

cxxxi

Compromis faict et passe entre  
gailharde morelle d une part et  
anthoyne cantalobe et estienne  
lajunye d au(tr)e part ---

Comme ainsin soict q(ue) proces et different  
soict este esmeu et pendant en a court de  
monsieur le juge ordin(air)e de vill(emu)r entre **gailharde  
morelle vefve a feu pierre delpech** habitante dud(it)  
villemur demanderesse contre **estienne lajunye**  
comme **mary** et conjointe personne de **gailharde  
delpech fille audict feu pierre et anthoyne  
cantalobe m(aîtr)e blanchier** comme **ayant droict** et  
cauze ez biens dudict feu delpech pour raizon du  
deces de **fue jehanne cantalobe sa fille et de  
fue magdallenne delpech filhe et une des h(eritie)res  
dud(it) feu delpech** deffandeurs d( )au(tr)e part estant  
en different pour raison de la pention annuelle  
ordonnee a ladicte morelle comme vefve dud(it)  
feu delpech et pour les arreyrages qu( )elle  
presupoze luy estre deubz estant ledict  
proces endroict et prest a juger que

.....  
aussi au(tr)e proces ja intente par lad(ite) morelle  
comme tutrisse et administreresse de **marye  
pelissiere filhe a lad(ite) fue magdallenne delpech**  
a cause de l( )arrentement des fruictz des biens  
de lad(ite) pelissiere que led(it) cantalobe a tenus en  
arrentement l espasse de troys annees et trois  
culhettes q(ue) pour couper chemin ausd(its) proces et  
different ung ch(ac)un desd(ites) parties en ce q(ue) leur  
conserne traictans leurs bons amys et dezirens  
dors en avant vivre en bonne paix ont  
convenu et accorde de remettre lesd(its) differentz  
au dire et ordonnance de deux hommes et  
ne reste q(ue) en passer instrument parce est  
il que le **vingt cinquie(me)** jour du moys de  
**janvier mil v<sup>c</sup> nonante cinq a villemur** apres  
midy dioceze de montauban et senechaucee de  
th(ou)l(ous)e regnant n(ot)re souverain prince henry  
par la grace de dieu roy de france et de  
navarre pardevant moy nothayre royal  
soubdit et des tesmoins bas nommes establys  
en leurs [pro]pres personnes la susd(ite) morelle  
d une part et les susd(its) cantalobe et lajunye

d( )au(tr)e part laquelle morelle a prins po(ur)  
son **arbytre jehan ratier travailleur** et lesd(its)

.....  
xxxij

lajunye et cantaloube ont prins pour leur  
**arbitre jehan bonnet teyssier** habitans dud(it)  
villemur comme arbytre arbytrateurs et  
amyables compoziteurs avec puissance et  
authoritte especialle de decider et determyner  
dud(it) different et proceder aud(it) arbitrage quel  
jour q(ue) soict ferye ou non ferye garder le( )stille  
de droict ou non parties presentes ou absentes  
au prealable ouyes parties sur leur different  
et c( )est dans quinzene precizement a conter  
ce jourdhuy dacte du p(rese)nt instrument et  
au(tr)ement de jour en jour durant led(it) temps  
dans lequel toutes parties produyront  
devers lesd(its) arbytres tout ce q(ue) bon leur  
semblera pour l( )intel(l)igence de leurs droictz  
et au caz q(u'il)z ne ce pourroyent ac(c)order leur  
ont donne puyssance de prendre ung tiers  
dicesseur de consentement de parties pour  
avec eulx prononcer [par]ties leur loz  
et sentence arbitral a quoy ont promys  
acquiesser et non appeller a peyne de six  
escus d( )esmende ]a-p[ applicable a partie  
acquiessement le tout ont promys respectivement  
tenir garder et observer soubz expresse

.....  
hyppothecque et obliga(ti)on de tous et ch(ac)uns  
leurs biens qu( )ilz ont soubmys a toutes rig(ue)urs  
de justice renonce etc jure a dieu ez presences  
de jehan pendaries nycolas amblard travailleurs  
augery goussal jacob jacme praticiens dud(it) vill(emu)r  
et de moy / francoys correge notaire roial  
dud(it) vil(l)emur requis soubz sygne avec lesd(its)  
jacme et gossal

Goussal, p(rese)nt

Jacme, p(rese)nt

Correze, not(aire) r(oya)l